

Na osnovu člana 30. stav (1) tačka g) i stav (2) i člana 37. stav (1) Zakona o plaćama i naknadama u institucijama Bosne i Hercegovine ("Službeni glasnik BiH", br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17 i 25/18), člana 50. stav 4. tačka m) Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05, 60/10, 32/13 i 93/17) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na prijedlog Ministarstva finansija i trezora Bosne i Hercegovine, Vijeće ministara Bosne i Hercegovine, na 153. sjednici, održanoj 04. septembra 2018. godine, donijelo je

ODLUKU

O DOPUNAMA ODLUKE O NAČINU I POSTUPKU OSTVARIVANJA PRAVA ZAPOSLENIH U INSTITUCIJAMA BOSNE I HERCEGOVINE NA TROŠKOVE SMJEŠTAJA, NAKNADU ZA ODVOJENI ŽIVOT I NAKNADU ZA PRIVREMENO RASPOREĐIVANJE

Član 1.

U Odluci o načinu i postupku ostvarivanja prava zaposlenih u institucijama Bosne i Hercegovine na troškove smještaja, naknadu za odvojeni život i naknadu za privremeno raspoređivanje ("Službeni glasnik BiH", br. 42/12, 78/12 i 51/13) u članu 17. iza stava (3) dodaje se stav (4) koji glasi:

"(4) Zaposleni u instituciji Bosne i Hercegovine koji je upućen na službeni put, koji traje duže od jednog dana, odnosno za koji se obračunava više od jedne dnevnice, za vrijeme trajanja istog nema pravo na naknadu za odvojeni život."

Član 2.

U članu 18. iza stava (5) dodaje se stav (6), koji glasi: "(6) Izuzetno od odredbi stava (3) ovog člana, isplata naknade troškova smještaja za zaposlene u Ministarstvu odbrane Bosne i Hercegovine i Oružanim snagama Bosne i Hercegovine vršit će se na tekući račun zaposlenog".

Član 3.

U članu 20. iza stava (2) dodaje se stav (3), koji glasi:

"(3) Izuzetno od odredbi stava (2) ovog člana, isplata naknade troškova smještaja za zaposlene u Ministarstvu odbrane Bosne i Hercegovine i Oružanim snagama Bosne i Hercegovine vršit će se uz mjesečni obračun i isplatu plaća i naknada zaposlenih u Ministarstvu odbrane Bosne i Hercegovine i Oružanim snagama Bosne i Hercegovine, na osnovu rješenja koje izdaje

Ministarstvo odbrane Bosne i Hercegovine i Oružane snage Bosne i Hercegovine, te ugovora koji je sa zakupodavcem zaključio zaposlenik, koji je ovjeren u nadležnoj poreskoj upravi."

Član 4.

Ova Odluka stupa na snagu osmog dana od dana objavljivanja u "Službenom glasniku BiH", a primjenjuje se od 01.10.2018. godine.

VM broj 170/18
04. septembra 2018. godine
Sarajevo

Predsjedavajući
Vijeća ministara BiH
Dr. Denis Zvizdić